



Broj: 01/c,02/c-11-922/23-2
Sarajevo, 21.3.2023. godine

Na osnovu čl. 64. stav (1) i 70. Zakona o javnim nabavkama ("Službeni glasnik BiH" br. 39/14 i 59/22), na Preporuku Komisije za provođenje postupaka javne nabavke Doma naroda Parlamenta Federacije Bosne i Hercegovine, broj: 02/21-11-922/23 od 20.3.2023. godine, tajnik Zastupničkog doma Parlamenta Federacije BiH i sekretar Doma naroda Parlamenta Federacije BiH, donose:

ODLUKU

o izboru najpovoljnijeg ponuđača za nabavku usluga
za potrebe Parlamenta Federacije BiH

Član 1.

Prihvata se Preporuka Komisije za provođenje postupaka javne nabavke Doma naroda Parlamenta Federacije Bosne i Hercegovine, broj: 02/21-11-922/23 od 20. 3. 2023. godine i ugovor za javnu nabavku usluga nadogradnje i održavanje OWIS sistema za potrebe Parlamenta Federacije Bosne i Hercegovine se dodjeljuje ponuđaču **ORKA d.o.o. Mula Mustafe Bašeskije 6, 71 000 Sarajevo**, ponuda broj: P-23-0022 od 20.3.2023. godine za ponuđenu cijenu za lot 1. u iznosu od 4.800,00 KM, bez PDV-a, što ukupno sa PDV-om iznosi 5.616,00 KM i za lot 2. u iznosu od 6.960,00 KM, bez PDV-a, što ukupno sa PDV-om iznosi 8.143,20 KM, kao ponuđaču koji je ponudio najnižu cijenu.

Član 2.

Prijedlog ugovora o nabavci dostavit će se na potpis ponuđaču **ORKA d.o.o** Sarajevo najkasnije u roku od deset dana računajući od dana prijema odluke ugovornog organa o izboru najpovoljnijeg ponuđača.

Izabranom ponuđaču iz člana 1. ove Odluke, ugovor će biti dodijeljen u skladu sa elementima dostavljene ponude, te uslovima i kriterijima utvrđenim u tenderskoj dokumentaciji. Izabrani ponuđač oslobađa se dostavljanja dokaza po članu 45. Zakona o javnim nabavkama, obzirom da je iste dostavio uz ponudu.

Član 3.

Ova odluka objavit će se na web-stranici Parlamenta Federacije Bosne i Hercegovine, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

O b r a z l o ž e n j e

Komisija za provođenje postupaka javne nabavke Doma naroda Parlamenta Federacije Bosne i Hercegovine imenovana je Rješenjem broj: 02/c-11-696/23 od 13.2.2023. godine. Postupak javne nabavke pokrenut je Rješenjem o provođenju postupka broj: 01/c,02/c-11-922/23 od 27.2.2023. godine. Procijenjena vrijednost javne nabavke je 14.000,00 KM bez PDV-a, a plaćanje će se izvršiti na način da će ukupan iznos sredstava po 50% snositi Zastupnički dom i Dom naroda Parlamenta Federacije Bosne i Hercegovine. Javna nabavka je provedena putem konkurentskog zahtjeva za dostavu ponuda.

21-03-2023

otp. Postar

21.3.23

21.3.23

konj

Obavještenje o nabavci broj: 56-7-2-2-3-3/23 objavljeno je na Portalu javnih nabavki 8.3.2023. godine i isti dan upućeno na objavu u Službeni glasnik BiH.

Na navedeni zahtjev za dostavu ponuda blagovremeno je pristigla ponuda ponuđača ORKA d.o.o. Mula Mustafe Bašeskije 6, 71 000 Sarajevo.

Komisija za provođenje postupaka javne nabavke dostavila je 21.3.2023. godine tajniku Zastupničkog doma i sekretaru Doma naroda Preporuku o izboru najpovoljnijeg ponuđača, broj: 02/21-11-922/23 od 20.3.2023. godine sa Zapisnikom o otvaranju ponuda i Zapisnikom o ocjeni ponuda u postupku javne nabavke usluga nadogradnje i održavanja OWIS sistema za potrebe Parlamenta Federacije Bosne i Hercegovine, radi donošenja Odluke o izboru najpovoljnijeg ponuđača.

U postupku po izvještaju o radu je utvrđeno da je Komisija za provođenje postupaka javne nabavke blagovremeno i pravilno izvršila otvaranje ponude i ocjenila prispjelu ponudu, o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: 1.
- da je blagovremeno zaprimljena: 1 ponuda.
- da je neblagovremeno zaprimljenih: 0 ponuda.
- da je ponuda ponuđača ORKA d.o.o.: prihvatljiva.

Obzirom da je tenderskom dokumentacijom, u skladu sa Pravilnikom o uslovima i načinu i korištenja e–aukcije („Službeni glasnik BiH“, broj 66/16) predviđena e–aukcija za prihvatljive ponude, a kako je bila samo jedna prihvatljiva ponuda, e–aukcija se nije mogla zakazati, nego se postupak okončava u skladu sa članom 69. Zakona o javnim nabavkama.

Na osnovu svega navedenog, Komisija je predložila da se ugovor za javnu nabavku usluga za:

- LOT 1. nadogradnja OWIS sistema za potrebe Parlamenta Federacije Bosne i Hercegovine, dodijeli ponuđaču ORKA d.o.o., Mula Mustafe Bašeskije 6, 71 000 Sarajevo, ponuda broj: P-23-0022 od 20. 3. 2023. godine, za ponuđenu cijenu od 4.800,00 KM bez PDV-a (slovima: četirihiljadeosamstotina konvertibilnih maraka bez PDV-a).
- LOT 2. održavanje OWIS sistema za potrebe Parlamenta Federacije Bosne i Hercegovine, dodijeli ponuđaču ORKA d.o.o., Mula Mustafe Bašeskije 6, 71 000 Sarajevo, ponuda broj: P-23-0022 od 20. 3. 2023. godine, za ponuđenu cijenu od 6.960,00 KM bez PDV-a (slovima: šestihiljadadevetstotinašezdeset konvertibilnih maraka bez PDV-a).

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranog ponuđača te ocjenu prispjele ponude, shodno kriterijima iz Tenderske dokumentacije. U postupku ocjene provedenog postupka, tajnik Zastupničkog doma i sekretar Doma naroda nisu našli razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za provođenje postupaka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stava (1) tačka b) i člana 70. Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, koji ne može biti manji od tri.

Prilog:

- Zapisnik o ocjeni ponuda.

Dostavljeno:

- tajnik Predstavničkog/Zastupničkog doma,
- sekretar Doma naroda,
- ORKA d.o.o., Mula Mustafe Bašeskije 6, Sarajevo,
- Komisija za provođenja postupaka javne nabavke Doma naroda,
- Odsjek za računovodstvo, financije i proračun,
- a/a.

